



2015-imi TAC-it pisassiissutillu pillugit Inatsisartunut nassuiaat

Maj 2016



Aalisarnermut, Piniarnermut, Nunalerinermullu Naalakkersuisoqarfik

Siulequt

Naalackersuisut sinnerlugit 2015-imi aalisarnermi pisassiissutinik TAC-inillu (Total Allowable Catch = annertunerpaamik pisarinqarsinnaasut) aalajangersaanerit pillugit Inatsisartunut nassuiaat saqqummiutissavara. Inatsisartunit pisinnaatitsissut naapertorlugu aalisarnermi TAC-inik pisassiissutinillu Naalackersuisut ukiut tamaasa aalajangersaasarput pisassiiissutinillu taakkuninnga agguaassisarlutik. Pisassiissutit ataasiakkaat pilersarnerannut tunngaviusoq, ilaatigullu pisassiissutit Kalaallit Nunaata nunallu Kalaallit Nunaata aalisarnerq pillugu isumaqatigiissusiorfigisaata akornanni tamatuma kingorna qanoq agguaanneqartarnerat nassuiaammi ilaatigut nassuiarneqarput. Nassuiaammi 2015-imut TAC-it pisassiissutillu allaaserineqarput, taakkununga ilanngullugit ukiup ingerlanerani allannguutaasimasut.

Aalisarnermut, Piniarnermut Nunalerinermullu Naalackersuisoq
Nikolaj Jeremiassen
Nuuk, marts 2016

Saqaata assitaani takutinneqarpoq kilisaat SISIMIUT aalisariarluni aallartoq.
Pissarsivik: Royal Greenland.

2015-imi TAC-inik pisassiissutinillu Inatsisartunut nassuiaat

Imarisaanut allattorsimaffik:

Imarisai

1. Tunuliaqut siunertarlu	5
2. Aallaqqaasiut	5
3. Kalaallit Nunaanni aalisarnermi aningaasaqarnikkut ineriartorneq pillugu nassuiaat	5
3.1 Kalaallit aalisarnerini aningaasaqarniarneq	5
3.2 Raajat	6
3.3 Qalerallit	6
3.4 Saarullit	7
3.5 Avammut niuernerq tamarmiusoq	7
4. Raajat	7
4.1. Kalaallit Nunaata Kitaa	7
4:1:1. 2014-imut TAC-mik aalajangiineq	7
4:1:2 Pisassiissutit avataasiarluni aamma sinerissamut qanittumi aalisarnermi agguataarneqarsimanerat.	8
4.:2. Tunu	9
4:2:1 TAC-mik aalajangersaaneq 2015-imut	9
4:3. Nunat tamat imartaanni raajartassat	10
4:3:1 Flemish Cap-imi raajat (NAFO-mi sumiiffik 3M)	10
4:3:2 Grand Bank-imi raajat (NAFO-mi sumiiffik 3L)	10
4.3.3. Svalbardip eqqaani raajat	10
5. Aalisakkat allat	11
5:1. Kalaallit Nunaata kitaa	11
5:1:1. Qalerallit	11
5:1:2. Imminnguit (tupissutit)	11
5:1:3 Suluppaakkat	12
5:1;4. Nataarnat	12
5:1:5. Qeeqqat (milallit)	12
5:1:6. Ammassat	12
5:1:7. Saattuat	12
5:2. Tunu	13
5:2:1. Qalerallit	13

5:2:2. Imminnguit (tupissutit)	13
5:2:3 Suluppaakkat immap natermiut suluppaagarujussuillu	13
5:2:4 Suluppaakkat itisoormiut (<i>Sebastes mentella</i>) Irmingerhavet-imi	14
5:2:5 Nataarnat.....	14
5:2:6 Qeeqqat.....	15
5:2:7 Ammassat.....	15
5:2:8 Saarullernat	15
5:2:9 Ammassassuit (misileraalluni aalisarneq)	16
5:2:10 Avaleraasartuut	16
5:2:11 Kapisillit ilaat guldlaks (misileraalluni aalisarneq)	16
5:2:12 Brosme, Lange aamma Blålange (misileraalluni aalisarneq).....	16
5:3. Kitaa aamma Tunu.....	16
5:3:1. Saarullit.....	16
6. Sinerissap qanittuani aalisarneq.....	17
6:1 Raajat.....	17
6:2. Saattuat.....	17
6:3. Uiluiit	18
6:4 Qaleralik	19
6:5. Saarullit	19
6:7. Kapisillit	20
6:8 Sinerissap qanittuani misileraalluni aalisarneq (Tunu)	20
7. Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaasa akornanni pisassiissutinik agguaassineq	21
7:1. EU	21
7.2. Savalimmiut.....	22
7:3. Norge	22
7:4 Rusland	23
7:5. Islandi.....	24
7: 6 Nunat marluk aamma nunat arlallit suleqatigiinnerat.....	24
Bilag 1: Avataasiarluni aalisarneq, 2014-imi pisassat.....	26
Bilag 2: Sinerissap qanittuani aalisarneq, 2014-imi pisassat.....	29

1. Tunuliaqut siunertarlu

Inatsisartut inatsisaanni nr. 18, 31. oktober 1996-imeersumi § 5, imm. 1 aamma 2 naapertorlugit Kalaallit Nunaata imartami aalisarnikkut oqartussaaffigisaani aalisakkanik 2015-imi TAC-nik pisassiissutinillu aalajangiinerit pillugit Naalackersuisut matumuuna Inatsisartunut nassuiaateqarput.

2. Aallaqqaasiut

Kalaallit Nunaata imartami aalisarnikkut oqartussaaffigisaani aalisagaqatigiinnik assigiinngitsunik arlalinnik TAC-inik Naalackersuisut ukiut tamaasa aalajangersaasarput. Kalaallit Nunaanni aalisarnermut nunanullu Kalaallit Nunaata aalisarneq pillugu isumaqatigiissusiorfigisaanut Naalackersuisut pisassiissutinik tamatuma kingorna agguaassisarput.

Biologit siunnersuinerat tunngavigalugu TAC-inik aalajangersaasoqartarpoq. Siunnersuineri nunat tamalaat immami ilisimatusarnernik/aalisarnernik aqutsineri kattuffiinit ICES-imit (International Council for the Exploration of the Sea) aamma NAFO-mit (Northwest Atlantic Fisheries Organization - Atlantikup avannaani aalisarnikkut suleqatigiiffik) paasissutissat tunngavigineqartarput, tassani biologit kalaallit Atlantikup Avannaani biologit suleqatigisatik nunanit arlalinneersut suleqatigisarpaat. Pisanut allattaavinnit paasissutissat aalisagaqassutsimik nalunaarsuinikkut sulinermi aamma pingaaruterput. Aalisakkat assigiinngitsut pillugit siunnersuinerit nalinginnaasumik junip qaammataani aammalu raajat saattuallu pillugit siunnersuinerit novembarimi tunniunneqartarput.

Naalackersuisut TAC-inik aalajangiinnginneranni Aalisarneq pillugu Siunnersuisooqatigiit aalisarneq pillugu inatsimmi § 32, imm. 2 naapertorlugu tusarniarneqartussaapput. Maannakkut piffissami Aalisarneq pillugu Siunnersuisooqatigiinni ilaasortat ukuupput GE aamma KNAPK kiisalu ataatsimeeqataasartut arlallit, taakkununga ilaallutik SIK, NUSUKA, KANUKOKA, SQAPK, Aalisarnermut, Piniarnermut Nunalerinermullu Naalackersuisoqarfik, Pinngortitaleriffik, Kalaallit Nunaanni Aalisarsinnaanermut Akuersissutinik Nakkutilliisoqarfik, Inuussutissarsiornermut, Suliffeqarnermut Niuernermullu Naalackersuisoqarfik, Pinngortitamut, Avatangiisinut Inatsisinillu Atuutsitsineri Naalackersuisoqarfik kiisalu Aningaasaqarnermut Naalackersuisoqarfik.

3. Kalaallit Nunaanni aalisarnermi aningaasaqarnikkut ineriartorneq pillugu nassuiaat

3.1 Kalaallit aalisarnerini aningaasaqarniarneq

Kalaallit Nunaannit avammut tunisat tassaanerupput aalisakkanit qalerualinnillu tunisassiat. Taamannak avammut tunisineri raajaanerusut, qaleraliunerusut saarulliunerusullu annissorneqarnerpaasarput.

Immikkoortumi tulliuttumi raajat, qalerallit saarulliillu avammut tunineqarnerini nalingi nassuiaatigineqarput. Kalaallit Nunaata avammut tuniniaanera Danmark imaluunniit Island

aqqusaarlugit pingaarnerusutigut ingerlanneqartarpoq, tunisassiarpassuillu tamatuma kingorna EU-mi nunanut allanut EU-lluunniit avataani avammut tuneqqinneqartarlutik.

Ukiuni kingulliunerusuni pisisartut annertusiartuinnartumik tunisassianik MSC-mik nalunaaqutsikkanik piunasaqaateqaraluttuinnarsimapput, tamannalu raajat akiisigut takuneqarsinnaavoq. Taamaannerata nalunaaqutsersuisarneq pisariaqartilerpaa, tunitsivinni tunisisinnaaneq aalajangiusimaneqassappat. Taamaattumik kalaallit aalisarnermik inuussutissarsiortuisa annertuumik soqutigaat aalisakkanut allanut MSC-imik nalunaaqutsersuisarnerup anguneqarnissaa, raajaannaanngitsunut soorlu assersuutigalugit qaleralinnut saattuanullu aamma.

3.2 Raajat

Avammut niuernikkut naatsorsueqqissaartarnermi raajat immikkoortunut marlunnut avinneqartarput, tamarmik qerisut, *raajat qalipallit* kiisalu *raajat qalipaajakkat*.

2015-imi tamakkiisumik *raajanik qalipalinnik* avammut tunisinermi tamakkiisumik nalingat 649 mio. kroninik annertussuseqarpoq 2014-imullu sanilliullugu 58 mio. kroninik annikilleriarsimalluni, tamannalu raajanut tamakkiisumik avammut tunisinerup nalingata 8%-igivaa. Raajanut qalipalinnut agguaqatigiissitsilluni akigititaaq 2014-imiit 2015-imut kiilumut ataatsimut 18,6 kroniniit 22 kroninut qaffariarsimavoq. Tamatuma amerlaqatigaa raajanut qalipalinnut kiilumut ataatsimut 18%-imik akit qaffariarnerat. Raajat aalisarneqartut apparisimanerisa sunniutaa akit qaffasinnerunerisa annikinnerutippaat, taamaasilluni avammut tunisat nalingisa annertussutsit avammut tunineqartut annikinnerunerat assigalugu apparariatik.

Raajat qalipaajakkat *avammut tunineqartartut nalingat* 2014-imiit 2015-imut 151 mio. kroninik (-24%-imik) apparisimavoq, imaappoq 488 mio. kroninik naleqalerlutik. Agguaqatigiissillugu kiilumut ataatsimut akeq 39,2-imiit 42,5 kroninut, procentinngorlugu 8%-inik qaffappoq, peqatigitillugu annertussutsit avammut nioqutigineqartartut 30%-imik annikilleriarlutik. Taamaasillutik annertussutsit annikilleriarsimasut akinik qaffasinnerusunik illuatungilerneqarput, tamatumalu inerneraa raajat qalipaajakkat *annikinnerusumik avammut niuernermi naleqarnerat*.

Ataatsimut isigalugu raajanik avammut tunisassiornerup nalinga 2014-imiit 2015-imut 209 mio. kroninik, procentinngorlugu 16 %-imik annikilleriarpoq. Taamannak annikilleriarnerup tunuaniipput avammut tunisassiarineqartutut annertussutsit 13000 tonsiunerat (-24%), taakkulu ilaannakuusumik illuatungilerneqarlutik raajatigut tunisassiat avammut annissorneqartut agguaqatigiissillugu akiisa 12 %-imik qaffannerinik.

3.3 Qalerallit

Qalerallit tassaapput avammut niurnerup nalingata uuttorneqartarnerani aalisakkat nioqutigineqartartut pingaarnarpaat tullii. Avammut nioqutigineqartartut naatsorsoqqissaartarnerinut atatillugu tunisassianut immikkoortunut marlunnut avinneqarsimapput *iluitsut* aamma *nerpiliat*. Qalerallit avammut nioqutigineqartut nalingat 2014-imiit 2015-imut 98 mio. kroninik annikilleriarpoq 2015-imilu annertussuseqarluni 758 mio. kroninik. Tamatuma amerlaqatigaa avammut niurnerup nalingata 11 %-imik annikilleriarnera. Taamatut ineriartorneq pingaarnerusutigut annertussutsit 4716 tonsinik, procentinngorlugu 14%-imik annikilleriarsimanerininik pissuteqartinneqarpoq. Avammulli nioqutissiat nalingisa annikilleriarnerat sunniutikinnerutinneqarpoq killilimmik 3%-imik akit qaffannerinik.

3.4 Saarullit

Saarullit tunisassianut immikkoortunut pingaarnerusutigut pingasunut agguataarneqartarput, iluitsut, nerpiliat aamma panertitat/tarajortikkat. Saarullit iluitsut avammut niuerutiginerini nalingat 90 mio. kroninik qaffassimavoq, 2015-imilu 207 mio. kroniulluni, tamatuma amerlaqatigaa 2014-imiit 77%-imik qaffariarnera. Taamatut ineriartorneq avammut nioqutissiarineqartut annertussusaannut 54 %-imik qaffassimanerint pingaarnerusutigut innersuunneqarsinnaavoq, kiisalu annikinnerusumik *saarullinnu* iluitsunut 15%-imik avammut niuernermi akip qaffassimaneranik 2014-imi 11,6-imiit 2015-imi 13,4-mut.

Nerpiliat *tunisassiat* avammut niuernermi nalinga, marloriaat sinnerlugu 2014-imiit 2015-imut qaffassimavoq. 2014-imi 25 mio. kroniit 2015-imi 64 mio. kroninut. Tamatuma amerlaqatigaa avammut nioqutissiornerup nalingata 159 %-imik qaffariarnera. Tassunga atatillugu oqaatigineqassaaq avammut nioqutissiornerup nalinga 2013-imiit 2014-imut affaannangornikuummat. Ataatsimut katillugit avammut nioqutigineqartuni ineriartorneq 80%-imik tunisivoq, tunisassiamullu tassunga avammut niuernermi akit 2014-imiit 2015-imut 44%-imik qaffassimallutik.

Saarullit tunisassiat *panertut/tarajortikkat* avammut tuniniarneqarnerini nalingat 2014-imiit 2015-imut 3 mio. kroninik annikilleriarsimavoq, tamatuma amerlaqatigaa 11 %-imik annikilleriarneq. Akitigut annertoorsuarmik ineriartortoqarsimanngilaq, taamaattumik annikinnerusumik avammut niuernermi nalinga taamaallaat innersuunneqarsinnaavoq avammut tunisassiarineqartut annertussusiatigut annikilleriarnermut.

Ataatsimut isigalugu saarullinnut avammut niuernermi qaffariaat 76%-usoq takusinnaavarput 168-imiit 294 mio. kroninut. Taamatut ineriartornermut tunuliaqutaavoq 6617 tonsinik qaffariarneq annertoqatigalugu 52%, peqatigitillugu saarullinnik tunisassianut tamanut agguaqatigiissillugu avammut niuernermi akeq 16 %-imik appariarsimavoq. Taamannarujussuaq saarullit avammut nioqutigineqarnerini nalingata ineriartorujussuarsimaneranut, taamaasilluni pingaarnerusumik annertussutsitigut qaffassimanerimut innersuunneqarsinnaavoq, akitigulli ineriartorneq aamma taamatut pitsaasumik ineriartornermut peqataaqataasimavoq.

3.5 Avammut niurneq tamarmiusoq

Ataatsimut isigalugu piffissami 2014-imiit 2015-imut aalisakkat pingasuusut, tassa raajat, qalerallit saarulliillu avammut nioqutigineqarnerini nalingat 181 mio. kroniit 2190 mio kroninut annikilleriarsimavoq, tamatuma amerlaqatigaa 8 %-imik annikilleriarneq. Annikilleriarneq pingaarnerusumik raajanik qaleralinnillu avammut nioqutigineqartunik annertussutsitigut annikilleriarnermut innersuunneqarsinnaavoq. Aalisakkanut pingasuusunut katillugit avammut nioqutigineqartut annertussusiat 11350 tonsinik ikileriarsimavoq, 2015-imilu 88713 tonsiulluni, tassa imaappoq 2014-imut sanilliullugu 11 %-imik annikilleriarneq. Kiisalu aalisakkatigut nalinginnaasumik pitsaasunik akit qaffariarsimapput, pingaartumik aalisakkanut ukununnga pingasuusunut: Raajat (12 %), Saarullik (16 %) aamma Qaleralik (3 %).

4. Raajat

4.1. Kalaallit Nunaata Kitaa

4:1:1. 2014-imut TAC-mik aalajangiineq

Kalaallit Nunaata Kitaani 2015-imut biologit siunnersuutaat tassaavoq annertunerpaamik 60000 tonsinik aalisartoqassasoq. 2013-imiit 2014-imut tunngatillugu annikilleriartoqarpoq, tassanimi siunnersuineq 80000 tonsiummat.

Raajanut biologit siunnersuutaat ukiuni kingullerpaani imatut oqaasertalerneqartarsimavoq, TAC-ip aalajangersimasumik qaffasissusissaanik toqqaannartumik inassuteqaateqartoqanngitsoq. Tassunga taarsiullugu oqaatigineqarpoq TAC-ip aalajangersimasumik peqassutsip illersorneqarsinnaasumik annertussusia ataallugu raajaqassuseq appariaannaasoq. Ukiunut kingullerpaanut siunnersuineq kiisalu TAC-mut aalajangiunneqarsimasumut tabel 1-imi takuneqarsinnaavoq.

Tabel 1: Kalaallit Nunaata Kitaani biologit raajanut siunnersuisarnerat 2008 – 2015 (tonsit).

Kalaallit Nunaata Kitaa	2008	2009	2010	2011	2012	2013	2014	2015
Siunnersuineq*	110.000	110.000	110.000	120.000	90.000	80.000	80.000	60.000
TAC	120.600	114.570	114.570	124.000	105.000	90.000	85.000	73.000

*Pissarsivik: Kalaallit Nunaanni Pinngortitaleriffik

Soorlu qulaani tabelimi takuneqarsinnaasut TAC aalajangersagaq ukiut ingerlanerini biologit siunnersuinermit malinnaasarsimavoq, naak siunnersuinermit qaffasinnerulaartarsimagaluarluni. 2012-imi Naalakkersuisut Kitaanut TAC 105.000 tonsinut aalajangiuppaat, taamaasillunilu siunnersuinerminngaanniit qaffasinnerungaatsialerluni. Tamanna biologit siunnersuineranni ineriartornermut tunngatillugu isigineqassaaq, tassanimi siunnersuutigineqartutut annertunerpaamik pisarineqarsinnaasutut annertussutsikkut sakkortuumik ikilertiartsisoqarsimammat. Taanna 2011-imi 120.000 tonsiniit 2012-imi 90.000 tonsinut annikillierarsimavoq. TAC-ip taamaaqataanik annertuumik apparneratigut aningaasaqarnikkut sakkortuumik kingunerlutsitsisinaanera pinngitsoortinniarlugu TAC taamaalilluni 2012-imi 105.000 tonsinut aalajangersarneqarpoq.

Peqatigitillugu maluginiarneqassaaq, Kitaata imartaani raajanut TAC-imik aalajangersaanermi aamma raajarniarnermut aqutsinissamik pilersaarut malinneqarmat, taassumalu eqqunneqarnera aalisarnerup MSC-mik nalunaaqutaqalersinniarlugu ilungersuuteqarneq tunngavigalugu pivoq. Aqutsinissamut pilersaarummi allassimavoq TAC-imik aalajangersaanerup biologit siunnersuinerat malissagaa, taamaat-torli una ilassutigalugu aatsaat immikkorluinnaq pisoqarsimatillugu 10 %-imik annertunerusumik TAC-imi ukiumoortumik allanngortitsinermik kinguneqartumik TAC-imik aalajangiisoqartassasoq. Peqatigisaanik biologit siunnersuutaannut naleqqussaaneq ukiunik pingasunik sivisunerusumik sivisussuseqartussaanani. 2013-imi kalaallit nunaata kitaani raajarniarneq MSC-mik nalunaaqutsersorneqalerpoq. Tamanna biologit siunnersuinerannut malinninnissamut kaammattuinerulersitsivoq. 2013 pillugu biologit siunnersuinerat 2012-mi 90.000 tonsiniit 80.000 tonsinut appaqqippoq. 2014-imi siunnersuineq suli 80.000 tonsiuvoq, TAC-imillu suli annikillierartsisoqarluni siunertarlugu aqutsinissamik pilersaarummit malinnissinnaanissap pisariaqartimmagu biologit siunnersuinerannut naleqqussariartuaarnissaq. 2015-imi aammaarluni sakkortuumik biologit kaammattuutigisaat 2014-imi 80000 tonsiorarluni 2015-imi 60.000 tonsinut appariarpoq. Raajarniarnermut aqutsinissamik pilersaarummi maleruagassatut allaatigineqarsimasut naapertorlugit, taamaattumik 2015-imi TAC 73.000 tonsinut aalajangiunneqarpoq.

4:1:2 Pisassiissutit avataasiorluni aamma sinerissamut qanittumi aalisarnermi agguataarneqarsimanerat.

Pisassiissutit agguarnissaat pillugu isumaqatigiissut KNAPK-p taamanikkullu APK-usup (maannakkut GE) 2001-mi isumaqatigiissutaat naapertorlugu raajanik pisassiissutit avataasiorluni aamma sinerissap qanittuani aalisarnermut agguanneqartarput. Isumaqatigiissumi, maannakkut Aalisarneq pillugu Inatsimmi aalajangersarneqarnikuusumi, aalajangiunneqarpoq Kalaallit Nunaata Kitaani kalaallinut raajanik pisassiissutit agguanneqassasut sinerissap qanittuani aalisarnermut 43 %-imik aamma avataasiorluni aalisarnermut 57 %-imik.

Taamatut agguaasseriaaseq, avataasiorluni sinerissallu qanittuani aalisarnerup akornani pisassiissutinik agguaassisarnerup annertuumik pisariinnerulerneranik oqaatiginnittuuvoq, 2002-miillu atuuttuusimalluni.

2015-imi TAC-mit tamarmiusumit 73.000 tonsiusumit taamaalilluni angallatinut avataasiortunut 39365 tonsit pisassiissutigineqarput, sinerissallu qanittuani angallatinut 29.696 tonsit tunniunneqarlutik. Pisassiissutit annertussiisa sinneruttuinit EU-mi angallatinut EU-mi Aalisarnerup pillugu Suleqatigiinnissamik Isumaqatigiissut naapertorlugu 2.000 tonsit tunniunneqarput aamma 1.939 tonsit Canada-mut kalaallit tungaannit periuseq nutaaq naapertorlugu, tassani nunatta nammineerluni Canada-mut annertussutsit immikkoortikkai kitaata raajaanik MSC-mik nalunaaqutsersuisimaneq aalajangiusimaannarniarlugu. Tamanna MSC-mik nalunaaqutsersuinerup pigiinnarnissaanut piffissamut sivirusumut piumasaqaataavoq, tassalu uagut Canadamit aqutsinissamut pilersaarummik angusaqassasugut. Canada-mut pisassiissutit sumiiffimmi pineqartumi Canada-p imartaata annertussusaa aammalu Canada-mi raajaqassutsimik procentinngorlugu naliliineq aammalu Canada-miut ukiuni tallimani kingullerni pisaat tunngavigalugit oqimaaqatigiissitsinikkut naatsorsorneqartarput.

4.:2. Tunu

4:2:1 TAC-mik aalajangersaaneq 2015-imut

Tunumi raajarniarnermut biologinit siunnersuineq 2004-miilli allanngortinneqarani amerlanerpaanik 12.400 tonsinik pisaqartoqarsinnaanera kaammattuutaasarnikuuvoq, TAC-lu tamatumunnga naapertuuttunngorlugu aalajangersarneqartarluni. Biologinilli siunnersuineq tassanngaannaq 2014-imi 2.000 tonsinut apparpoq taamatullu annertussuseqartillugu 2015-mi aalajangiusimaneqarsimalluni. Taamatut tassanngaannaq amerlanerpaanik pisarineqarsinnaasut kaammattuutip appariartaarnerata kingunerisimavaa, Kalaallit Nunaata nunani tamalaani pisussaaffii tamatumalu kingunerisaanik aningaasaqarnikkut kingunerisinnaasat eqqarsaatigalugit, Kalaallit Nunaannut ajornartoq ingerlaannartumik TAC-imit siunnersuutaasumut naleqqussarnissaq. Taamaattumik ukiuni aggersuni pitsanngortoqanngippat Tunumi TAC-p ukiut pingasut ingerlaneranni naleqqussarneqarnissaa anguniarneqartariaqarpoq.

Taamaammat Naalakkersuisunit Aalisarnerup pillugu Siunnersuisoqatigiit kaammattuutaat malinneqassasoq toqqarneqarpoq, taamaattumillu Tunumi raajarniarnermut TAC 2015-mi 6.100 tonsinut aalajangiunneqarluni. Aalisarnerup pillugu Suleqatigiinnissamik Isumaqatigiissut naapertorlugu annertussutsinit taakkunannga EU 5.500 tonsinik tunineqarpoq. Pisassiissutinit sinneruttunit taamaallaat 600 tonsit kalaallit angallataannut 2015-imi pisassiissutigineqarput. Tunumi raajarniarneq taamaallaat avataasiorluni aalisarluni ingerlanneqartarpoq. 2007-miit siunnersuineq aamma TAC tabel 2-mi takuneqarsinnaavoq.

Tabel 2: Tunumi raajarniarnermut 2007-2015-imut biologit siunnersuutaat (tonsit).

Tunu	2007	2008	2009	2010	2011	2012	2013	2014	2015
Siunnersuineq*	12.400	12.400	12.400	12.400	12.400	12.400	12.400	2.000	2.000
TAC	12.400	12.400	12.400	12.400	12.400	12.400	12.400	8.300	6.100

*Pissarsivik: Kalaallit Nunaanni Pinngortitaleriffik

4:3. Nunat tamat imartaanni raajartassat

4:3:1 Flemish Cap-imi raajat (NAFO-mi sumiiffik 3M)

Flemish Cap eqqaani raajarniarneq (NAFO-mi sumiiffik 3M) nunat tamalaat imartaanni ingerlanneqartarpoq, aalisarnerlu NAFO aqutigalugu killilersorneqarluni. Aalisarsinnaatitaaneq ullut aalisarfiit atorlugit naatsorsorneqartarpoq.

Kalaallit Nunaat 2012-misuulli 2013-mi ullunik aalisarfeqarsimanngilaq, 2010-milu NAFO-mi ukiumoortumik ataatsimiittoqareemat biologit siunnersuinerannut naapertuuttumik kinguartitsinermik eqqussisoqarnissaa aalajangiunneqarpoq. Taamatut kinguartitsineq taamanimiilli aalajangiusimaneqarsimavoq. Tamanna pivoq ukiumoortumik 2011, 2012, 2013 aamma 2014-imi ataatsimiittarnerni.

4:3:2 Grand Bank-imi raajat (NAFO-mi sumiiffik 3L)

New Foundlandip avataani Grand Bank-ip eqqaani (NAFO-mi sumiiffimmi 3L-imi) raajat Canadap aalisarnermi oqartussaaffigisaata iluaniinnerupput, kisiannili raajaqarfimmi sumiiffik mikinerusoq pingaaruteqartoq nunat tamalaat imartaaniilluni. Canada-p NAFO-llu 1999-imi isumaqatigiissutaat naapertorlugu Canada sumiiffimmi tassani raajanut TAC-ip tamarmiusup 5/6-ia pissavaa, nunanimi tamalaani sumiiffimmi 3L-imi raajaqassuseq canada-miut raajaqassusiata ilagaat Canada-lu 200 sømilinik killeqarfiata iluanniilluni. Annertussutsillu sinneruttut, isumaqatigiissut naapertorlugu amerlaqatigiissillugit akuusuni atsioqatigiissimasut allat akornanni agguarneqassallutik.

2003-miilli DFG (Danmark Savalimmiut Kalaallillu Nunaat sinnerlugit) akuusutut atsioqatigiissimasutut taamatut agguaassisimanermut akerliuniarsimavoq, Savalimmiut oqaluttuarisaanikkut aalisarnerminnik kiisalu sumiiffimmi uumassusilinnik ilisimatusarnermut il.il. akuusimanerminnik tunngavilersorlutik, TAC-mit maannakkut agguaassinikkut pissarsiarineqarsinnaasunit annertunerusumik pissarsiasaqartutut piumasqaateqartarnerannut isumaqarnertik pissutigalugu. Tamannali 2015-miit tunngaviusuinnarmik pingaaruteqarsimavoq, tassami pisassiissutit 0 tonsiummata.

Raajaqassuseq piffissami annikilliertorsimavoq, taamaattumillu 2015-imiit 0 tonsinut aalajangiunneqarsimalluni. 2014-imi NAFO-mi ukiumoortumik ataatsimiinnermi taassuma aalajangiunneqarfiani, sumiiffiup matuneqarnissaanut oqaasertalersuinissaq isumaqatigiissutigineqarsinnaasimanngilaq. Taamaattumik taarsiullugu sumiiffimmit matusigallarsimasutut aalajangiunneqarpoq pisassiissutit 0 tonsinut aalajangiunneqarneratigut. 2015-imi ukiumoortumik ataatsimiinnermi aalajangiuteqqinneqarpoq 2016-imut pisassiissutit 0 tonsinut aalajangiullugit. Taamaasilluni sumiiffik piviusumik sulii raajarniarfigineqarnissaminut matoqqavoq.

Kalaallit Nunaata sumiiffimmut oqaluttuarisaanikkut aalisarsinnaanermut piginnaatitaaffini pigiinnassavai DFG-mut ilaasutut, ukiut ingerlanerini aalisarnermut ammaasseqqitoqassagaluarpit.

4.3.3. Svalbardip eqqaani raajat

Norgemut 1992-imut aalisarneq pillugu isumaqatigiissuteqarnermi Kalaallit Nunaata erseqqissaatigaa Kalaallit Nunaata/Danmarkip "aalisarnermik illersuiffiusoq" pillugu norskit namminersorlutik nalunaarutaat akuerisinnaasimanngikkitik, taannalu Norgep Svalbardip eqqaani aalisarnermik killilersuinermi atuutilersippaa. Ukiut tamaasa Norge-mit nunat marluk akornanni isumaqatiginniarnerni Kalaallit Nunaata inissisimanini nalunaarutigisarpaa, tamannalu isumaqatigiissummut ilanngussamat allanneqartarpoq. 2014-imut isumaqatigiissummut ilanngussami siusinnerusutut oqaasertaliunneqartartut assingi atorveqartarput.

”Svalbardip eqqaani raajarniarneq eqqarsaatigalugu norskit aallartitaasa oqaatigaat Svalbard-ip eqqaani raajarniarneq pillugu peqqussutit 19. juli 1996-imi atuutilersinneqartut atortuutinneqassasut. Kalaallit aallartitaasa tassunga atatillugu killilersuineq taanna pillugu isumartik tusagassiuutinut nalunaarummi ersittoq norskit oqartussaasuinut 11. september 1997-imi tunniunneqartoq oqaatigaat.”

Svalbard-ip eqqaani raajarniarnermi norskit peqqussutaanut 1997-imeersunut atuuttunut (tassa Kalaallit Nunaata akuerinngisaannut) tunngatillugu Kalaallit Nunaat kilisaatit tallimat atorlugit ulluni aalisarfiusuni 450-ini raajarniarsinnaavoq. Kalaallit Nunaata 1980-ikkut aallartinnerini ukiuni arlalinni taamatut periarfissaqarnini atortarsimangilaa. Kalaallilli imartaanni raajanut pisassiissutit ukiumoortumik annikillisinneqartarnerisa Svalbard-ip eqqaani ullunut aalisarfiusunut soqutiginnikkiartuaarneq kingunerisimavaat, taamaattumillu 2013-miilli kalaallit angallataasa sumiiffimmi aalisarneq aallarteqqissimavaat. Taamaasilluni 2015-imi pisassiissutit angallatinik amerlanerpaanik tallimanik atuinikkut iluaqutigineqarsimapput, inuussutissarsiortunillu nalunaarutiginneqqittarnerit pitsaasuusimapput, pitsaasumillu aalisartoqarnera nalunaarutigineqartarluni.

5. Aalisakkat allat

5:1. Kalaallit Nunaata kitaa

5:1:1. Qalerallit

Pisassiiffiusumi kitaata kujataani (Davis Strædemi) avataasiorluni qaleralinniarnermut biologit siunnersuinerminni 2015-imut TAC 14.000 tonsiussasoq kaammattuutigisimavaat, tamannalu ukiuni kingullerni siunnersuisarnermut sanilliullugu allannguinerunngilaq. Qalerallit aamma Canada-p Kalaallillu Nunaat assigiimmik avittarpaat, Davis Stræde-milu qaleraeqassuseq aalaakkaasutut isigineqarpoq. Kalaallit Nunaata aqutsiveqarfimmi kitaata kujataani (Davis Strædemi) 2014-imi pisassiissutinit pisassai taamaalillutik 7.000 tonsiupput.

Davis Stræde-mi TAC pisassiiffimmi kitaata avannaani (Baffinip Kangerliumanersuani) TAC Canada-lu assigiimmik avinneqartarpoq. 2015-imut siunnersuineq 16.000 tonsiuvoq, tamannalu 2014-mut siunnersuinermit sanilliullugu allanngortinneqarani. Taamaasilluni 2015-imi kalaallit pisassiissutinit pissarsiassaat 8.000 tonsiupput, tamannalu isumaqarpoq suli pisassiissutit qaffanneqarsimasut 2013-imi 6.500 tonsinut ilanngullugit, sumiiffimmi pisassiiviusumi NV-mi (Baffinip Kangerliumanersua). Pisassiissutini qaffaaneq suli 100 %-imik tulaanneqartartussaavoq, Naalakkarsuisunit nunami suliffissaqarneq annertusiniarlugu aalajangiunneqarsimasutut.

Ataatsimoortumik qaleraliutit agguanneqarnissaat pillugu Kalaallit Nunaat Canada-mut aqutsinissamik suli isumaqatigiissuteqanngilaq, kisiannili maannamut periusiusoq tassaavoq illuatungeriit TAC-ip assigiimmik avinneqarnissaa nipaatumik akuersaartaraat.

5:1:2. Imminnguit (tupissutit)

Kalaallit Nunaata kitaani imminnguit pillugit siorna siunnersuineq suli tassaavoq ukiuni aggersuni toqqaannartumik aalisarneqassanngitsut, tassa iminnguaqassutsip pitsanngoriartornera takuneqarnikuunngimmat. Aalisarnerni allani saniatigut pisarisuukkat aamma annertunerpaamik killilerneqarsimasariaqarput.

Aalisarnermik inuussutissarsiuteqartut imminnguanik saniatigut pisarisuugaqarani qaleralinniartoqarsinnaanngitsaq nalileqqippaat. Taamaammat ukiut siuliitulli 2015-imi 1.000 tonsinik saniatigut pisassiinissaq Naalakkarsuisut aalajangiuppaat.

5:1:3 Suluppaakkat

2015-imut biologit suluppaakkanut angisuunut (*Sebastes norvegicus*) siunnersuineranni suli kaammattuutiginerpoq Kitaani aalisagaqassuseq toqqaannartumik aalisarfigineqassanngitsaq. Raajarniarnermi suluppaakkanik saniatigut pisarisuukkat annertunerpaamik killilerneqarsimasariaqarput.

Naalackersuisut piffissami 2005-2013 assigalugu suluppaakkanik angisuunik 2015-imi 1.000 tonsinik saniatigut pisarisuisoqarsinnaanera aalajangiusimavaat.

5:1:4. Nataarnat

Aalisagaqassutsimut tassunga biologit siunnersuuteqanngillat nataarnanillu pisat killeqartorujussuullutik siunnersuineranut atugassanik paasissutissanik katersiniarnermut atatillugu.

Naalackersuisut aalajangiuppaat 2015-imi nataarnanut pisassiissutit 1.000 tonsiussasut, tamannalu 2014-imut sanilliullugu allannguinerunani. Aalisarneq pillugu Suleqatigiinnissamik Isumaqatigiissut naapertorlugu EU 200 tonsinik pisassinneqarpoq, sinneruttullu 800 tonsit avataani qalerallinniarnermut atatillugu saniatigut pisarisuukkatut pisassiissutaallutik.

5:1:5. Qeeqqat (milallit)

Biologit 2014-imut suli kaammattuutigaat qeeqqat toqqaannartumik aalisarneqassanngitsut. Taamaammatt raajarniarnermi saniatigut pisarisuukkat annertunerpaamik killilerneqarsimasariaqarput. Qeeraqassuseq pitsanngoriaateqartoq ukiuni kingullerni paasineqarsimavoq, tamassumalu neriunarsisippaa qeeqqat ikkannersuarni siunissami amerleqqissasut. Naalackersuisut 2015-imut saniatigut pisarisuukkanut pisassiissutit 1.025 tonsinut aalajangiuppaat, tamannalu 2014-imut sanilliullugu annikitsumik qaffariarnerulluni, tassaniami saniatigut pisarisuukkanut pisassiissutit 1.000 tonsiummata.

5:1:6. Ammassat

Kalaallit Nunaata kitaani ammassaqassutsimik naammattumik ilisimasaqannginneq pissutigalugu biologit siunnersuuteqanngillat. Ukiuni 1997-1999 aamma 2010-mi 25.000 tonsinik pisassiisoqarpoq, ammassanniartoqanngilarli. Taamaattumik 2012, 2013 imaluunniit 2014-imi pisassiissutinik aalajangersaasoqanngilaq, raajarniarnermili saniatigut pisarisuukkanut pisassiissutinik 2015-imut 3.000 tonsinik aalajangersaasoqarpoq ukiut siulii assigalugit.

5:1:7. Saattuut

2015-imi avataasiorluni saattuarniarnermut biologit siunnersuutaat aqutsiveqarfimmi Nuuk-Paamiuni 1000 tonsiuvoq, aqutsiveqarfimmili Sisimiuni avataasiorluni aalisarneq suli matoqqalluni. Aqutsiveqarfimmi Qeqertarsuup Tunua-Ummannamut, Maniitsoq-Kangaamiunut aamma Narsaq-Qaqortumut suli siunnersuisoqanngilaq.

Naalackersuisut 2015-imi aalajangiuppaat avataasiorluni saattuarnermut TAC 125 tonsinut aalajangerneqassasoq, tamannalu 2014-mut sanilliullugu affaannangortitsineruvoq. Pisassiissutit Aalisarneq pillugu Suleqatigiinnissamik Isumaqatigiissut naapertorlugu taamaallaat angallatinit EU-meersunit aalisarneqarsinnaapput. Avataasiorluni saattuarniarsinnaassutsip killeqarnerata kinguneranik pisassat annertussusissaattut kaammattuutip ataatingaatsiarlugu TAC aalajangerneqarpoq. 2015-imut 2014-imisuulli sinerissap qanittuanut pisassiissutit siunnersuinerminngarnit qaffasinnerutinneqarput tamatumunnga taartaasussatut.

Tabel 3: Avataasiorluni saattuarniarnermut pisassiissutinik pisassat 2006-2015 (tonsit).

Avataasiornermi pisassiissutit	2006	2007	2008	2009	2010	2011	2012	2013	2014	2015
--------------------------------	------	------	------	------	------	------	------	------	------	------

Pisassiissutinit pigisat	1.500	500	500	1.930	900	500	500	250	250	125
Taakkunannga EU-mut	1.000	500	500	500	500	500	500	250	250	125

Pissarsivik: APNN.

5:2. Tunu

5:2:1. Qalerallit

Tunumi qalerallit Islandimit Savalimmiunillu ataatsimoorussamik qaleraliutigineqarput. Siusinnerusukkut Islandip imartaani qalorsuit atorlugit aalisarnerup annertunersaa ingerlanneqartarnikuuvoq, ukiunili kingullerni aalisarneq annertusiartortoq Kalaallit Nunaata imartaanut nuukkiartorsimavoq.

Tunumi, Islandimi Savalimmiunilu qaleraleqassutsimut ICES-ip 2015-imut siunnersuutigaa, sumiiffimmi pisat 25.180 tonsit sinnissanngikkaat. Tamanna 2014-imut siunnersuineranut sanilliullugu 26 %-imik qaffaaneruvoq, aalisaqassusermi annikitsumik siuariartortut takuneqarsinnaammat. 2012-mut siunnersuinermini ICES-ip aamma kaammattuutigaa peqassutsip ineriartortinnissaa eqqarsaatigalugu naalagaaffiit sineriallit akornanni aqutsinermik isumaqatigiissuteqartoqassasoq. Siunnersuineq Islandip, Kalaallit Nunaata aamma Savalimmiut imartaanut tamarmiusumik tunniunneqartarpoq.

2008-p aamma 2009-p ingerlanerani iluatsitsiviunngitsunik isumaqatigiinniartoqueersaq, 2012-imi arlaleriarluni isumaqatiginninniartoqueertorlu aalisarnermi ingerlataqartunut anginernut marlunnut Islandimut aamma Kalaallit Nunaannut Tunumi qalerallinnik aqutsineq qalerallinnillu pisassiissutinik agguuassisarneq pillugu isumaqatigiissusiorneq iluatsinneqarpoq. Tamatuma ilaatigut kinguneraa TAC 2014-ip tungaanut biologit siunnersuinerannut naleqqussarneqartoq, tamassumalu kingorna piffissamut sivisuumut aqutsinermut pilersaarut atuutilerluni.

Isumaqatigiissut taanna naapertorlugu Kalaallit Nunaannut 2015-imi 9.468 tonsit tunniunneqarput. Nunat marluk isumaqatigiissutaat naapertorlugu Kalaallit Nunaat EU-mut, Rusland-imut Norgemullu Tunumi qalerallitassivoq.

5:2:2. Imminnguit (tupissutit)

Tunumi 2015-imut imminnguit pillugit biologinit aamma siunnersuisoqanngilaq. Maannakkut aalisarnerup takutippaa imminnguaqassuseq appasissorujussusoq. 2015-imut TAC-it 1.000 tonsinut aalajangiunneqarput, taannalu qalerallinniarluni saniatigut pisarisuukkanik pisassiissutitut aalajangiunneqarpoq, tamannalu ukiut siuliinisut peruserineqarpoq.

5:2:3 Suluppaakkat immap natermiut suluppaagarujussuillu

Tunumi suluppaakkat tassaapput suluppaagaqatigiit marluk akuleriit: suluppaakkat angisuut (*Sebastes norvegicus*) aamma suluppaakkat itisoormiut (*Sebastes mentella*). Suluppaakkanut angisuunut lantinerisut taaguutaat 2014-imi allannngortinneqarpoq *Sebastes marinus-imiit Sebastes Norvegicus-imut*

Suluppaakkanut angisuut (*Sebastes norvegicus*) sumiiffik siaruarsimaffigisaat Kalaallit Nunaanniit Islandimut Savalimmiunullu annertussuseqarpoq. Aalisarnerup annertunersaa Islandip imartaani ingerlanneqartarpoq. ICES-imi biologit 2015-imut kaammattuutaat tassaavoq Tunumi, Islandimi Savalimmiunilu sumiiffinni tamani suluppaakkat angisuut amerlanerpaamik 47.300 tonsit pisarineqassasut. Tamanna 2014-imiit 9 %-imik appariarneruvoq, tassanimi siunnersuineq 51.980 tonsiummat.

ICES-imi biologit 2015-imut suluppaakkanut itisoormiunut (*Sebastes mentella*) siunnersuutigaat amerlanerpaamik 3.500 tonsit pisarineqarsinnaassasut, tamatumalu amerlaqatigai Tunumi nunavissuarmut attavimmut 2014-imi siunnersuutigineqartut. Taamannak siunnersuinermut tunuliaqutaasoq unaavoq malunnarsiartorunarmat peqassutsip annertussusia annikilliarortoq kinguaassiortoqarsimananilu, peqatigitillugu aalisarneq sumiiffimmi mikisumi killeqartinneqarunarluni. Pisarineqartartut angissusai eqqarsaatigalugit angeqqatigiiaarpassuusartut, tamatumalu takutippaa ukioqatigiiaanut ikittuinnarnut aalajangersimasumik aalisarneq ingerlanneqartartoq. ICES-imit malugineqarpoq suluppaakkap itisoormiup arriitsuinnarmik alliarortartut, kingusissukkullu kinguaassiorsinnaalernerisa eqimattanilu katersuuttarneri pissutigalugit suluppaakkat annertuallaartumik aalisarneqarnerminnut sunnertiasorujussuusut.

Suluppaagaqatigiit taakku marluk taaneqartut nalinginnaasumik ataatsikkut aalisarneqartarput, nalinginnaasumillu kalinnermi ataatsimi suluppaakkat angisuut 20%-it suluppaallu itisoormiut 80%-it pisarineqartarlutik. 2014-imut ataatsimoortumik suluppaakkanut angisuunut aamma suluppaakkanut itisoormiunut pisassiissutinik katitikkanik 8.500 tonsinik aalajangersaasoqarpoq. Taamaattumik annertussutsinit taakkuninnga suluppaakkanut itisoormiunut missaliuussilluni pisassiissutit 6.800 tonsiupput.

5:2:4 Suluppaakkat itisoormiut (*Sebastes mentella*) Irmingerhavet-imi

Irmingerhavet-imi suluppaakkat itisoormiut (*Sebastes mentella*) ataatsimoorussamik suluppagaapput, Kalaallit Nunaata, Islandip Savalimmiut aamma Nunat tamalaat imartaanniittartut. Nunat tamalaat imartaanni aamma aalisarneqarsinnaammat NEAFC aqutugalugu aqutsivigineqarpoq. Taamatut naalagaaffiit sineriallit isumaqatigiissutaanni naalagaaffiit sineriallit pingasut 60%-imik, NEAFC-imilu ilaasortat sinneri (Norge, EU aamma Rusland), nunat tamalaat imartaanni aalisartartut 40%-imik pisassaqartinneqarput. Rusland-imilli isumaqatigiissut akuerineqangisaannarsimavoq, annertoorujussuarmillu aalisarnermik ingerlatsinini aalajangiusimallugu.

Irmingerhavet-imi suluppaakkat itisoormiut immikkoortunut marlunnut avissimapput, qaffasinnerusumiittut itinerusumiittullu. Suluppaakkat immikkoortut taakku marluk itisumiittarnermikkut avissaarluinnarsimasuupput, qaffasinnerusumiittut immami 500 meterinik ikannerusumiittarlutik, itinerusumiittartullu 500 meterinik itinerusumiittarlutik. Qaffasinnerusumiittartut amerlanerusumik kalaallit imartaanniinnerusumiittarput, itinerusumiittartullu Island-imiut imartaanniinnerusarlutik.

Suluppaakkanut qaffasinnerusumiittartunut 2010-miilli siunnersuineq imaappoq toqqaannartumik aalisarneqassanngitsut. Suluppaagaqassutsimut itinerusumiittunut siunnersuineq ukiuni sivisunerusuni sakkortuumik annikillieriorsimavoq, suluppaagaqassutsinullu itinerusuniittunut pisassiissutit 2015-mi 9.500 tonsiusimallutik. Pisarineqartartulli aalajangersimasumik killiffimmit taassuminnga qaffasinnerusarsimapput, minnerunngitsumik Rusland-ip namminersuutigalugu aalisarnera pissutigalugu.

Irmingerhavet-mi kalaallit suluppaagartassa 2015-imi 2.753 tonsiusimapput. Annertussuseq tamarmiusoq EU-mut (Aalisarneq pillugu Suleqatigiinnissamik Isumaqatigiissut naapertorlugu) aamma Norge-mut ingerlateqqinneqarsimavoq (nukat marluk akornanni aalisarnermik isumaqatigiissut naapertorlugu norskit imartaanni kalaallit aalisariutaannut aalisarsinnaanermut periarfissamat taarsiullugu).

5:2:5 Nataarnat

Tunumi nataarnat pillugit biologinit suli siunnersuisoqanngilaq. Nalaakkersuisut 2007-2013-misuulli 2015-imut TAC 2.000 tonsinut aalajangiuppaat. Tamatumunnga pissutaaneruvoq EU Norgelu Aalisarneq pillugu Suleqatigiinnissamik isumaqatigiissut aamma nukat marluk

isumaqatigiissutaat naapertorlugu pisassinneqartarnerat, taakkulu 2014-imi 200 tonsiupput aamma 160 tonsiullutik. Taamaalilluni 1.640 tonsit kalaallit angallataannut sinnerupput, taakkulu aamma saniatigut pisatut pisassiissutaapput.

5:2:6 Qeeqqat

Tunumi qeeqqat pillugit biologinit suli siunnersuisoqanngilaq. Naalackersuisut 2015-imut saniatigut pisarisuukkanut pisassiissutit 1.000 tonsit aalajangiuppaat, taakkulu ukiut siuliinut sanilliullugit allanngunngillat.

5:2:7 Ammassat

Imartani Jan Mayenip Islandip aamma Kalaallit Nunaata akornanni ammassat ataatsimut ammassaatigineqarput, taakkulu Norgep, Islandip aamma Kalaallit Nunaata akornanni pingasuulluni isumaqatigiissutikkut malittarisassaqaartinneqarlutik. Nunat taakku pingasut suleqatigiillutik TAC-imik aalajangersaassapput Island-imi Imaani Ilisimatusarnermut Instituttimit siunnersuineq tunngavigalugu.

Ammassat pillugit isumaqatigiissut arlaleriarluni TAC-mik aalajangersaaniarnermi isumaqatigiissutigiuminaattarsimavoq. Ukioq pisassiiviusoq 20. junimiit ukiup tulliani 30. aprilimut ingerlasarpoq. Sumiiffimmi tamarmi majimi aamma junimi ammassat suffinermi eqqissimatitaasarput. Nalinginnaasumik TAC-ugallartumik junimi aalajangersaasoqartarpoq, oktoberimi iluarsaassamik siunnersuisoqartarluni kiisalu ukiup tulliani inaarutaasumik januar/februarimi TAC aalajangersarneqartarluni. Taamatut siunnersuinerit ukiumut arlaleriarluni Islandimit ilisimatusarnikkut angalanerit tunngavigalugit ingerlanneqartarpoq.

Piffissami 2014/2015-imi inaarutaasumik TAC 580.000 tonsinut aalajangiunneqarpoq. Pingasuulluni isumaqatigiissut naapertorlugu Kalaallit Nunaat 11%-imik piumasaqaateqarpoq, tassa imaappoq piffissamut 2014/2015-imut 63.800 tonsinik pisassiissutit. EU-mit Aalisarneq pillugu Suleqatigiinnissamik isumaqatigiissut naapertorlugu EU-mut kalaallit pisassiissutit pissarsiassaasa 70%-ii tunniunneqassapput.

5:2:8 Saarullernat

Saarullernat nunat sineriiallit ataatsimut aalisagaatigaat, TAC-imit amerlanerpaat nunanit sineriiallinit EU-mit, Norgemit, Savalimmiunit Islandimillu aviffigeqatigiissutigineqartarlutik. Kalaallit Nunaat nunat pingajuattut NEAFC-imilu isumaqatigiissummit atsioqataasut saarullernanik annikitsunik pisassinneqarpoq, taamatullu aamma Ruslandi taanna nunatut sineriiallittut akuerisaasimangitsaq.

Nunat sineriiallit isumaqatigiissutigaat saarullernanik 2015-imut TAC 1.159.719 tonsiussasoq, Kalaallit Nunaat taakkunanga 6.822 tonsinik pisassinneqarluni. Tamanna 2014-imut sanilliullugu annikitsumik qaffariarneruvoq, tamatumunngalu pissutaavoq biologit siunnersuinerannik allannguisimaneq. Pisassiissutit NEAFC-imit sumiiffimmi malittarisassaqaarfiusumi aalisarneqarsinnaapput, ilaatigut Savalimmiunit nunat marluk akornanni isumaqatigiissupput naapertorlugu savalimmiormiut imartaanni aamma.

Saarullernat, kalaallit imartaanniittut, qularnanngitsumik atlantikup avannaani ataatsimoorussamik qulaani taaneqarsimasutut aalisagaqatigiit ilagaat. Naalackersuisut kalaallit imartaanni misileraalluni aalisarsinnaanermut pisassiissutinik 10.000 tonsinik 2015-mi aalajangiussaqarput. Kalaallilli imartaanni pisat killerujussuupput, 2015-imilu tonsimit ataatsimit ikinnerullutik.

5:2:9 Ammassassuit (misileraalluni aalisarneq)

Ammassassuit, kalaallit imartaanniittut qularnangitsumik atlantikut avannaani ataatsimoorussamik aalisagaqatigiit ilagaat, tassa atlanto-skandisk ammassassuit (norgemi upernaakkut suffisartut). Atlanto-skandisk ammassassuarnut 2015-imi siunnersuineq 317.000 tonsiuvoq. Tamanna 2014-miit annikilleriarneruvoq, aalisagaqassuserlu nalinginnaasumik annikilliartorpoq.

Naalackersuisut 2015-mi misileraalluni aalisarsinnaanermut pisassiissutinik 20.000 tonsinik kalaallit imartaanni aalajangersaapput. Pisat 10.646 tonsiusimapput, taakkulu 2014-imi killiffik amerlaqatigingajappaat.

5:2:10 Avaleraasartuut

Tunumi avaleraasartuut atlantikut avannaata kangiani avaleraasartuutigisat ataatsimoorussat ilagaat. Avaleraasartuunut ICES-mit 2015-imut siunnersuineq 667.385 tonsiusimavoq. Naalackersuisunit 2015-imut 85.000 tonsinut pisassiissutit aalajangiunneqarput. Kalaallit Nunaanni avaleraasartuunik inaarutaasumik pisat 30.451 tonsiupput.

Avaleraasartuut NEAFC tassungalu atasumik naalagaaffiit sineriallit isumaqatigiissutaasigut aqutsivigineqarput. Piffissamili 2010-2014-imi isumaqatigiissuteqartoqanngilaq, tassami naalagaaffiit sineriallit EU, Norge, Savalimmiut aamma Island-ip agguaassinissaq isumaqatigiissutigisinnaanngimmassuk. 2014-mili ilaannakuusumik naalagaaffiit sineriallit akornanni EU-mit, Norge-mit Savalimmiunillu isumaqatigiissusiortoqarpoq. NEAFC-mili ilaannakuusumik isumaqatigiissummut tassunga amerlanerussuteqartoqanngitsoorpoq, taamaattumillu nunat tamalaat eqqarsaatigalugit inatsisitigut pisussaaffiliisuunani. Piffissami maannakkorpiaq Kalaallit Nunaat avaleraasartuut eqqarsaatigalugit naalagaaffiunngilaq sinerialik.

5:2:11 Kapisillit ilaat guldlaks (misileraalluni aalisarneq)

Ukiut siulii assigalugit Naalackersuisut guldlaks-inik misileraalluni aalisarnermut 10.000 tonsinik pisassiissuteqarput. 2015-imi pisat 13 tonsiupput.

5:2:12 Brosme, Lange aamma Blålange (misileraalluni aalisarneq)

Tunumi saarullinniarnermi brosmenik, langedenik aamma blålangenik saniatigut pjarisuukkat annertuut pissutigalugit Naalackersuisunit qinerneqarpoq, Tunumi ningittagarsorluni brosmenik, langedenik aamma blålangenik misileraalluni aalisarnermik pilersitsisoqarnissaa. Aalisagaqatigiinnut tamanut pisassiissutinik 1.500 tonsinik pilersitsisoqarpoq. Lange-nik 21-tonsinik pisaqartoqarpoq, 65 tonsinik blålangenik aamma 898 tonsinik brosmenik (kisitsisinut taakkununga ilaapput pisat taakkunani lange/blålange/brosme aalisarnermi allani saniatigut pjarisuukkatut ilaasut).

5:3. Kitaa aamma Tunu

5:3:1. Saarullit

ICES-imit suli kaammattuutigineqarpoq, 2015-imi saarulleqassuseq toqqaannartumik aalisarfineqassanngitsoq, aalisakkat suffissinnaasut pilerseqqinnissaminnut pitsaanerpaanik atugassaqartinniartugit.

2014-miit 2016-imut kalaallit saarullinut avataaniittunut Aqutsinissamik pilersaarut 2013-mi akuersissutigineqartoq naapertorlugu 2015-imut misileraalluni aalisarnermut 10.000 tonsinik pisassiissutinik aalajangersaasoqarpoq. Pisassiissutit taakku kingusinnerusukkat 8.000 tonsinik qaffanneqarput. Saarullinnut aqutsinissamik pilersaarut pilersitseqqinnissamik pilersaarutaasoq Pinngortitaleriffiup, Aalisarneq pillugu Siunnersuisoqatigiit, KANUAANA-p aamma Aalisarnermut, Piniarnermut Nunalerinermullu Naalackersuisoqarfiup akornanni suleqatigiinnikkut

pilersinneqarsimavoq. Aqutsinissamik pilersaarutikkut avataani saarullinnut misileraalluni aalisarnermut pisassiissutinik 10.000 tonsinik aalajangersaasoqarpoq piffissamut ukiunut pingasunut sivilissusilimmut, tassani Tunu aamma Kujataata Kitaa (NAFO 1F) matussuserneqarlutik, avataani saarulleqassuseq taakkualu katitigaanerat pillugit paasissutissanik amerlanerusunik pissarsiniarluni. Taamaattumik piumasaqaatinik aalajangersaasoqarsimavoq misiligutissanik tiguisarnermut, Kitaani eqqissisimatitsisarnermut kiisalu piffissami suffiffiusumi aalisarnerup matoqqatinneqartarnissaa. Taamaasiornikkut ilisimasat annertunerusut katersorneqarsinnaapput peqatigitillugulu aalisagaqassutsimik pilersitseqqilluni. 2015-imi Tunumi piffissami suffiffiusumi aalisarnermut immikkut akuerinnittoqarpoq.

EU-mut 2.000 tonsit tunniunneqarput Norge-mullu 1.200 tonsit tunniunneqarlutik isumaqatigiissutit naapertorlugit, Savalimmiunullu 355 tonsit tunniunneqarlutik. Taamaalilluni Kalaalit Nunaanni 2015-imi saarullinnut pisassiissutit sinneruttut 14.445 tonsiupput. Kalaallit Nunaanni pisassiissutit 50%-ii tulaanneqartartussaataapput.

Naalackersuisunit aalajangiunneqarpoq Kitaani misileraalluni aalisarnermut pisassiissutinik 7.000 tonsinik pilersitsinissaq, piumasaqaatigineqarlunilu 100 %-imik tulaanneqarlutillu nerpiliarineqassasut. Taamatut avataasiortunut misileraalluni pisassiissutit 5.048 tonsit aalisarnerput.

6. Sinerissap qanittuani aalisarneq

6:1 Raajat

Sinerissap qanittuani aalisariutinut Kalaallit Nunaata kitaani raajanik pisassiissutit Aalisarneq pillugu inatsimmi § 5, imm. 3 naapertorlugu 43 %-iupput (aamma tak. immikkoortoq 3:1:2), tamannalu kinguneqarpoq 2015-imi raajanik pisassiissutit pisassat sinerissap qanittuani 29.696 tonsiunerannik. Annertussutsit annikinnerusut 1.939 tonsiusut Canada-mut inniminnerneqarput. Tamanna MSC-imik nalunaaqtsersuisarnerup piginnarnissanut piumasaqaataavoq, tassami raajat aalisagaqatigiiummata avittat, taakkuninngalu Canada annikinnerusunik pisassaqaartitaalluni. Allatut ajornartumik Kalaallit Nunaata annertussutsit annikinnerusut Canada-mut inniminnertariaqartarpei, Canada-p aamma Kalaallit Nunaat akornanni pisuussutit pillugit aqutsiviginninnissamik ataatsimoorussamik isumaqatigiissuteqarsimatinnagit. Ilangullugu EU-mit isumaqatigiissut naapertorlugu EU-mut 2.000 tonsit tunniunneqartassapput. Tamatuma kingorna annertussutsit sinneruttut 69.061 tonsit agguaaasseriaaseq atorlugu avataasiortunut sinerissallu qanittuanut agguarneqarput (57/43 %). Sinerissap qanittuani 2006-imiilli raajanik pisassiissutit pisassat tabel 4-imi takuneqarsinnaapput.

Tabel 4: Sinerissamut qanittumi 2006 – 2014 raajarniarnermut pisassiissutit pisassat (tonsit).

Sinerissap qanittuani	2007	2008	2009	2010	2011	2012	2013	2014	2015
Pisassiissutit pigisat	55.900	53.019	49.265	47.545	51.600	42.000	36.061	34.145	29.696

Pissarsivik: KANUAANA

6:2. Saattuut

Saattuarniarneq pillugu nalunaarut nutaaq Naalackersuisut 2004-mi akuersissutigaa. Ilaatigut tamatuma manna kinguneraa, sinerissamut qanittumi saattuarniarneq aqutsivinnut immikkoortunut arfinilinnut tamarmik immikkut pisassiiffiusunut agguarneqarsimavoq. Angallat ataaseq amerlanerpaanik aqutsiveqarfanni marlunni aalisarsinnaanermut akuersissuteqarsinnaavoq. Aammattaaq 64°15 A-ip avannaaniittoq ukiumi qaammatini siullerni pingasuni aalisarnermut

matuqqasarpoq. Malittarissanit taakkunanga 2014-imut immikkut akuersissuteqarnissaq aalajangerneqanngilaq.

Biologit 2014-imut siunnersuutaat 2013-mut sanilliullugu allanngunaanngilaq, tassa aqutsiveqarfimmi Nuuk-Paamiut annertunerpaamik 200 tonsit aamma aqutsiveqarfimmi Qeqertarsuup Tunuani annertunerpaamik 600 tonsit pisassatut inassuteqaatigineqarput aamma aqutsiveqarfimmut Sisimiunut, tassani pisassat annertunerpaamik 300 tonsiunissaat kaammattuutigineqarlutik, taakkulu agguataarlugit qangalili oqaluttuarisaanikkut aalisarfiusartunut 150 tonsit kiisalu kangerlunnut Nassuttuumut aamma Isortoq Avannarlermut 150 tonsit. Paasissutissat amerlanginnerat pissutigalugit aqutsiveqarfimmut Maniitsumut aamma Narsaq-Qaortumut siunnersuuteqartoqanngilaq.

Tabel 5: Sinerissamut qanittumi saattuarniarnermut TAC 2007 – 2015 (tonsit).

Sinerissap qanittuani	2007	2008	2009	2010	2011	2012	2013	2014	2015
TAC	4.380	4.200	2.150	3.150	2.280	2.330	2.780	2.800	2.800

Pissarsivik: APNN.

Naalackersuisut aalajangiuppaat 2015-imi TAC 2.550 tonsinut aalajangerneqassasoq. Taamaattorli 2015-imi oktoberimi Naalackersuisut aalajangiippat aqutsiveqarfimmi Nuuk-Paamiuni pisassiissutit 250 tonsinik qaffanneqassasut, taamaalilluni 2015-imi TAC tamarmiusoq 2.800 tonsinngorpoq, tamannalu tabel 5-imi takuneqarsinnaavoq (ilanngullugu takuuk immikkoortoq 5:1:7.).

6:3. Uiluut

2004-miilli biologit siunnersuisarnerat allanngornikuunngilaq aalisarnermillu inuussutissarsiuteqartunit uiluinniarnermik aqutsinerup allanngortinneqarnissaanik kissaateqartoqarnikuunani. Taamaammatt soorlu tabel 6-imi takuneqarsinnaasutut sumiiffiit pisassiiviusut allanngortinneqannginnissaat Naalackersuisut toqqarpaat, kisiannili sumiiffimmi pisassiiviusumi Attumi pisassiissutit 2012-imut aamma 2013-imut assigalugu 300 tonsinik qaffanneqarlutik, taamaalilluni 2014-imut TAC 2.520 tonsinut aalajangerneqarpoq. Aammattaaq aalisarnermi tassani angallat ataasiinnaq aalisarpoq.

Tabel 6: Saattuarniarnermut TAC 2007 – 2015 (tons).

Sumiiffik pisassiissuteqarfiusoq	2007	2008	2009	2010	2011	2012	2013	2014	2015
Nuuk	720	720	720	720	720	720	720	720	720
Aqajarua*	0	0	0	0	0	0	0	0	0
Attu**	100	100	100	100	100	400	400	400	400
Sisimiut - Kujataa (Saqqaq)	400	400	400	400	400	400	400	400	400
Sisimiut – Avannaa (Kangaarsuk)	700	700	700	700	700	700	700	700	700
Nassuttoq	300	300	300	300	300	300	300	300	300
Uiluut katillugit	2.220	2.220	2.220	2.220	2.220	2.520	2.520	2.520	2.520

* Sumiiffimmi eqqissisimatitsineq pissutigalugu 2003-mi matuneqarpoq.

** Sumiiffiup matuneqarnikuunngitsup avataani killeqanngitsumik aalisartoqarsinnaavoq.

Pissarsivik: APNN.

6:4 Qaleralik

Biologit 2015-imut suli inassuteqaateqarput sinerissap qanittuani qaleralinnik pisassiiviit pingasunik immikkoortunik aqutsiveqarfeqassasoq, Qeqertarsuup Tunua, Uummannaq aamma Upernavik.

Inuussutissarsiutigalugu oqaluttuarisaanermi paasissutissat tunngavigalugit biologillu piffissamut kingumoortumut misissuineri naammattumik utertannginnerat pissutigalugit Kalaallit Nunaata sinnerani naliliinermik biologit nutarterisinnaangillat. Tamatuma kinguneranik sumiiffinni taakkunani 2015-imut pisassiissutit qaffasissusissaannik kaammattuisoqarsinnaangilaq.

Aqutsiveqarfik Upernavimmut 2015-imi kaammattuutaasimapput 6.300 tonsit, taakkulu 2014-imut siunnersuinerup amerlaqatigai. Inuussutissarsiutigalugu oqaluttuarisaanikkut aalisarnermiit paasissutissat aamma peqassutsimik biologit misissuinerat pissutigalugit paasissutissat siunnersuinerumut tunngaviupput.

Aqutsiveqarfimmuq Qeqertarsuup Tunuanut 2015-imi pisassat annertunerpaamik 8.000 tonsiussasut kaammattuutigineqarpoq, tamannalu 2014-mut sanilliullugu allannguinerunngilaq. Tamanut tunngasumik naliliineq tassaavoq qaleralesassuseq ukiuni kingullerni apparitortuq. Kisiannili biologit misissuinerisa takussutissippaat qalerallit amerliartornerat annertusiartortuq. Tamanna aalisagaqatigiit aalisarneqarsinnaasut pilerseqqinneqarnissaanut ilapittuutaasinnaavoq.

Aqutsiveqarfimmuq Uummannaq kamattuutigineqarpoq 2015-imi pisat 6.000 tonsit qaangissanngikkaat, tamannalu 2014-mut sanilliullugu allannguinerunngilaq. Naliliinerup kingornali qaleralesassutsip allanngorneranik takussutissaqanngilaq. Aggvaqatigiissitsilluni angissusaat apparialaarpoq, kisiannili 2007 – 10 pisanut allattaaviit takutippaat allanngoriartortuqanngitsaq imaluunniit annikitsumik alliartortut.

Naalakkersuisut aalajangiuppaat aqutsiveqarfimmi taakkunani pingasuni 2015-imut TAC 2014-mut sanilliullugu qaffasinnerusoq aalajangiunneqassasoq. Naalakkersuisulli aalajangiupput aqutsiveqarfimmi taakkunani pingasuni TAC 1.806 tonsinik qaffanneqassasoq, tamannalu ataani tabel 7-imi takuneqarsinnaavoq.

Tabel 7: Sinerissap qanittuani qaleralinniarnermut TAC 2009-2015(tonsit).

Sumiiffik pisassiissuteqarfiusoq	2009	2010	2011	2012	2013	2014	2015
Qeqertarsuup Tunua	8.800	8.800	8.000	8.300	9.200	9.000	9.500
Uummannaq	5.000	5.799	6.000	6.300	7.550	9.379	9.500
Upernavik	6.000	6.500	6.500	6.800	7.950	9.015	9.200
Qalerallit katillugit	19.800	21.099	20.500	21.400	24.700	26.394	28.200

Pissarsivik: KANUAANA

Aammattaq sumiiffiit pisassiiviusut avataanni Qaanaami, Tunumi aamma Kalaallit Nunaata kujataata kitaani sinerissap qanittuani aalisartoqartarpoq.

6:5. Saarullit

2015-imut biologinit siunnersuineq kaammattuutigineqartut TAC 12.379 tonsiusimavoq, tamannalu 2014-imut sanilliullugu qaffariarneruvoq, tassani siunnersuineq Kitaani sinerissamut qanittumi saarullinniarnermut 12.063 tonsiummat. Naalakkersuisunit toqqarneqarsimavoq, 2015-imut TAC 25.000 tonsinut aalajangiunneqassasoq, tamannalu 2014-imi TAC-oqqaartumut sanilliullugu 10.000 tonsinik qaffaaneruvoq suliffissaqartitsiniarneq eqqarsaatigalugu. November 2015-imi naatsorsutigineqarpoq, sinerissamut qanittumi saarullittassatut pisassiissutit december nallertinnagu tamakkerlugit aalisarneqarsimassasut taamaattumillu Naalakkersuisut pisassiissutit 2.500 tonsinik qaffanneqarnissaat toqqarpaat.

Tabel 8: Sinerissap qanittuani saarullinniarnermut TAC 2011 – 2015 (tonsit).

Sinerissap qanittuani	2011	2012	2013	2014	2015
TAC	11.500	15.000	13.500*	18.500**	27.500***

Pissarsivik: KANUAANA

*September 2013-imi sinerissamut qanittumi pisassiissutiniit 1.500 tonsit avataasiorluni pisassiissutinut nuunneqarput.

**November aamma decemberimi pisassiissutit 1.500 tonsinik aamma 2.000 tonsinik qaffanneqarput.

***Novemberimi pisassiissutit 2.500 tonsinik qaffanneqarput.

6:7. Kapisillit

Kapisillit aalisagaapput nikerartorujussuusartut aammalu Atlantikup avannaani kapisilinnik aqutsiveqarfik NASCO (North Atlantic Salmon Conservation Organization) aqutugalugu malittarisassaqtartinneqarlutik.

ICES-imi biologit siunnersuineranni 2015-imut peqassuseq navianartorsiortorujussuuvoq, 2009-miilli taamaannikuulluni. Naliliisoqarpoq kapisileqassuseq oqaluttuarisaanermi appasinnerpaamiittut, maannamullu iliuuserineqartut peqassutsip pitsanngoriartortinneqarneranut ikiuutaasutut isikkoqarnatik. Taamaalluni Kalaallit Nunaata 2002-miilli ukiumut 20-50 tonsinik taamaallaat nammineq atugassanik aalisartarnerata sunniuteqarneranik takussutissaqarani.

Ukiumoortumik ataatsimiinnermi ulluni 1-5. Juni 2015-imi Kitaanut Kommissionimi akuusut nutaamik aqutsinissamik isumaqatigiissut (2015-2017) Kalaallit Nunaanni kapisilinniarnermut isumaqatiginninniutigaat, tassani nammineq atugassanik kapisilinniarneq akuersarneqarluni, nammineq atugassanik aalisarnermik taaneqartartoq. Tamatuma ilaatigut kingunerissallugu aalisarnerup killilersimaarneqarnissaa 45 tonsinik aalajangersimasumik pisassiisoqartarluni kiisalu nalunaarusiortarnerup aalisarnerullu nakkutigineqarnerata pitsaanerulersinneqarnissaannik Kalaallit Nunaata pisussaaffeqarnera.

Ulloq 4. august 2015-imi Naalakkersuisut aalajangiuppaat, kapisilinnut 45 tonsinik pisassiissutinik pilersitsiniarlutik NASCO-mit ukiunut pingasunut nutaamik isumaqatigiissut naapertorlugu, pisassiissutit taakku inuussutissarsiuugalugu- aamma sunngiffimmi aalisartunut atuupput. Ilanngullugu Naalakkersuisut aalajangiuppaat, tunitsivinnut kapisilinnik tunisisoqartassanngitsoq aammalu taamatut aalajangerneq naliliiffigineqarsinnaassasoq.

6:8 Sinerissap qanittuani misileraalluni aalisarnerq (Tunu)

2015-imi Tunumi sinerissamut qanittumi misileraalluni aalisarnermik aallartitsisoqarpoq, piffissamimi tassani toqqaannartumik aalisartoqartanngimmat. Tunumi annikitsuaraannarmik aalisartoqartarpoq, taamaattumik misileraalluni aalisarnissaq pilersinneqarpoq sumiiffik misissuiviginiarlugu aamma Tunumi sinerissamut qanittumi aalisarnerup annertusinneqarsinnaaneranut tunngavik misissuiviginiarlugu. Sinerissamut qanittumi misileraalluni aalisartoqarsinnaanera 3 sòmilitut killeqarfiup iluanut akuerineqarpoq.

Aalisakkat tulluuttut aalisarneqarsinnaanerat akuersissutigineqarpoq: qalerallit, saarullit, suluppaakkat, nataarnat, brosmet, saattuat, qeqqat aamma eqaluit. Ningittagarsorluni, qassusersorluni imaluunniit pullasorsorluni aalisarnissamut akuersissuteqartoqarpoq. Peqatigitillugit umiarsuit akuerisaasut angallatinut mikinerusunut tunitsivittut atuutissapput. Ingerlatseqatigiiffiit aallarnisarniarnermi ajornartorsiuteqalaarput, taamaattorli akuleriissunik pisassiissutinik taakkuninnga 1.288 tons katillugit aalisarneqarput.

7. Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaasa akornanni pisassiissutiniq agguassineq

Aalisakkanut assigiinngitsunut Naalakkersuisut TAC-mik ukiumoortumik aalajangiinerisa kingorna Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaasa akornanni pisassiissutit agguataarneqartarput. Pisassiissutiniq paarlaasseqatigiinnerit ataani allaaserineqarput. Agguassineq aamma ilanngussami 1-imi takuneqarsinnaavoq.

7:1. EU

EU-mut aalisarneq pillugu suleqatigiinnissamik isumaqatigiissut Kalaallit Nunaata aalisarneq pillugu isumaqatigiissutaani pingaarnersaavoq. Isumaqatigiissut ilanngussatigut (protokoller) aqutsivigineqartarpoq. Isumaqatigiissummut ilanngussat ingerlaavartumik nutarterneqartarput. Ilangussaq nutaaq ulloq 1. januar 2016-imi atuutilerpoq atorunnaassallunilu 31. december 2020-mi. Ilangussakkut pisassiissutit annertussusaat Kalaallit Nunaata EU-mut aningaasanik taarserlugit neqeroortigisartagai allanneqarsimapput taakku ukiumoortumik Kalaallit Nunaannut aalisarsinnaatitaanermik pisinnaatitaaffinnut akiliutinit 135 millioner kronit missaannik iluanaarutaasarpur.¹ Tabelini ataaniittuni takutinneqarput pisassiissutit Kalaallit Nunaannit 2015-imi EU-mut ingerlateqqinneqartut - tassa 2013-2015-imut Ilangussami.

Tabel 9: EU-p Kalaallit Nunaata kitaani aalisarsinnaanermut periarfissai 2013-2015 (tonsit).

Sueneri	EU-mut pisassiissutit 2015-imi pissarsiarineqarsimasut	Isumaqatigiissut naapertorlugu EU-mut pisassiissutit
Qalerallit KK	2.500	2.500
Raajat	2.000	3.400
Nataarnat	200	200
Saattuut	125	250

Kitaani pisassiissutit annertussusaannik agguanneqartunik isumaqatigiissutigineqarsimasunit tabel 9-mi takuneqarsinnaasunit, EU Agreed Minutes 2014 naapertorlugu EU-mut sattuartaasatut pisassiissutit 125 tonsinik ikilisinneqarput, tassami 2014-imi pisassiissutit iluaqutiginnitsooramikkut. Saattuanik pisassiissutit 2015-imi EU-p aamma atornikuunngilai. Kalaallit Nunaata kitaani pisassiissutit EU-p pissarsiarisaanit 2015-imi qalerallit 575 tonsit Norgemut nuunneqarput. Aammattaaq nataarnat 75 tonsit Norgemut nuunneqarput.

Tabel 10: Tunumi EU-p aalisarnissamut periarfissai 2013-2015 (tonsit).

Sueneri	EU-mut pisassiissutit 2015-imi pissarsiarineqarsimasut	Isumaqatigiissut naapertorlugu EU-mut pisassiissutit
Qalerallit	4.565	4.315
Raajat	5.500	7.500
Nataarnat	200	200
Ammassat	34.650	60.000

Tunumi pisassiissutit tabel 10-mi allaqqasunit, Agreed Minutes 2014 naapertorlugu, Tunumi EU immikkut qalerallinnik 250 tonsinik tunineqarpoq, tamatumalu kingunerisaanik 2015-mut pisassiissutit 4565 tonsiulerlutik. Tunumi EU-p pisassiissutaanit qalerallit 575 tonsit, raajat 2.550 tonsit aamma nataarnat 75 tonsit Norge-mut nuunneqarput.

¹ 6. Aalisarnermik ilanngussaq Kalaallit Nunaata aamma EU-p akornanni 2013 - 2015.

Tabel 11: Kalaallit Nunaata kitaani Tunumi EU-mut pisassiissutit 2013-2015 (tonsit).

Suuneri	EU-mut pisassiissutit 2015-imi pissarsiarineqarsimasut	Isumaqatigiissut naapertorlugu EU-mut pisassiissutit
Saarulliit	2.000	2.200
Suluppaakkat ikerinnarsiortut	2.200	3.000
Suluppaakkat suffisartut	2.000	2.000
Imminnguit (tupissutit)	150	200

Tabel 11-imi pisassiissutinit, Kitaani aamma Tunumi aalisarneqarsinnaasunit EU-mit suluppaakkanit ikerinnarsiortunit pisassiissutit 800 tonsit Norge-mut nuunneqarput.

7.2. Savalimmiut

Savalimmiormiut Kalaallit Nunaata imartaanni aalisartarnerat annikitsuinnaavoq. Kalaallit Nunaata Savalimmiullu akornanni 2015-imut isumaqatigiissummut ilanngussaq naapertorlugu angallatit Savalimmiuneersut pisassiissuteqarfiusumi Baffinip Kangerliumanersuani avannaata kitaani 68N avannaani qaleralinnik 100 tonsinik aalisarsinnaappu^t. Ilanggullugu Savalimmiut 2015-imi kalaallit imartaanni aalisakkanut assigiinngitsunut misileraalluni aalisarsinnaatitaavoq, taakkununga ilanngullugit Tunumi saarulliit, brosmemit aamma qeeqqat 355 tonsit, tamakkulu 2014-mi pisassiissutit assigaat, taamaattorli Ilanggussamit raajanik 100 tonsinik misileraalluni aalisarsinnaaneq peerneqarpoq. Tassunga ilanngullugu Savalimmiut misileraalluni saarullinniarnermut katillugit annertunerpaamik 275 tonsiusunut atatillugu nataarnanik qaleralinnillu saniatigut pisisuukkanik pisassinneqarpoq, taakkulu 2014-imisut katillugit amerlatigaat.

Ilanggullugu Savalimmiormiut EU-mut isumaqatigiissutertik naapertorlugu raajanik 1.300 tonsinik, qaleralinnik 110 tonsinik aamma suluppaakkanik 250 tonsinik EU-mit pissarsipput.

Savalimmiut kalaallit nunaata imartaanni pisassiissutinik pissarsiaannut taarsiullugit Kalaallit Nunaat atlanto-skandisk ammassassuarnut 2.100 tonsinik pisassiissutinik pissarsivoq aammalu savalimmiut imartaanni kalaallit NEAFC-mit bláhvillinginut pisassiissutinit 5.500 tonsinik aalisarsinnaatitaalerluni, tamannalu 2014-imut sanilliullugu 500 tonsinik qaffariarneruvoq.²

7:3. Norge

Kalaallit Nunaata Norgellu akornanni isumaqatigiissummut 2014-imut ilanngussakkut angallatit Norgemeersut Kalaallit Nunaata imartaanni 2015-imi arlalinnik pisassaqqarput, taakkulu tabel 12-imi takuneqarsinnaapput.

Tabel 12: Kalaallit Nunaata eqqaani Norgemut 2015-mi pisassiissutit (tonsit).

Suuneri	Isumaqatigiissut naapertorlugu Norgemut pisassiissutit	Norge-mut pisassiissutit EU-mut nuussisoqareernerata kingorna
Kalaallit Nunaata Kitaa		
Qalerallit KK	900	1.475
Nataarnat	0	75

² Savalimmiut Naalackersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissutaannut isumaqatigiissummut 27. maj 1997-imeersumut ilanngussaavoq 2015-imeersaq

Tunu		
Qalerallit	500	1.075
Raajat	0	2.550
Suluppaakkat, natermiut	800	800
Suluppaakkat, ikerinnarsiortut	0	800
Nataarnat	160	235
Saniatigut pissarisuukkat	150	-
Kalaallit Nunaata kitaani Tunumilu katillugit		
Saarulliit	1.200	1.200
Suluppaakkat, ikerinnarsiortut	0	800
Saniatigut pissarisuukkat	150	-

Norge-mut pisassiissutinik taarsiissuteqarnermi, Kalaallit Nunaat 2015-imi Barentip imartaani saarullinnik, kullerunik aamma sej-inik aalisarsinnaatitaalerpoq. Tamatuma saniatigut saniatigooralugu pissarisuukkanik tamarmiusunik 260 tonsinik akuerisaavoq. 2015-imut sanilliullugu nuussineq pineqarpoq, tassa imaappoq ukiup siulianisuut pisassiissutit assigalugit.³

Tabel 13: Norge-mut Kalaallit Nunaata eqqaani 2015-imi pisassiissutit (tonsit).

Suuneri	Isumaqaatigiissut naapertorlugu Kalaallit Nunaannut pisassiissutit
Saarulliit	3.500
Kullerit	900
Sejit	700
Saniatigut pissarisuukkat	260

7:4 Rusland

Kalaallit Nunaat Ruslandimut pisassiissutinik aamma paarlaasseqatiginnittarpoq. Isumaqaatigiissummut 2015-imut ilangussaq malillugu angallatit Rusland-imeersut Kalaallit Nunaata imartaani 2015-imi aalisarnermi arlalinni pisassiissuteqarput, taakkulu tabel 13-imi takuneqarsinnaapput.

Rusland-imut suluppaakkat suffisartut 500 tonsinit tunniunneqarput suluppaakkanut ikerinnarsiortunut 700 tonsinut taarsiullugit soorlu 2014-misut ilaatigut pissutigalugit suluppaakkanut ikerinnarsiortunut pitsaanngitsunik biologinit siunnersuisimaneq.

Tabel 14: Rusland-imut Kalaallit Nunaata eqqaani 2015-imi pisassiissutit (tonsit).

Suuneri	Kalaallit Nunaata Kitaa
Qalerallit KK	1.225
Qalerallit AK	550
Saniatigut pissarisuukkat	10 %
Suuneri	Tunu
Qalerallit	600

³ Isumaqaatigiissummut ilangussaq 2015 illuatungeriilluni aalisarnikkut attaveqaatigiittarnerit pillugit Norgep aamma Kalaallit Nunaani Namminersorlutik Oqartussat akornanni isumaqaatigiissutaannut 9. juni 1992-imeersumut.

Suluppaakkat suffisartut	500
Saniatigut pisarisuukkat	10 %

Kalaallit imartaanni pisassiissutitut taakkununga taarsiissutitut Kalaallit Nunaat saarullinnik, kullerit raajanik aamma 10%-imik saniatigut pisarisuukkanik russit imartaanni tunineqarput. 2015-imi Kalaallit Nunaat sarullinnik 225 tonsinik ikinnerusunik tunineqarpoq ilaatigut biologinit siunnersuinerup appariarsimanagera pissutigalugu, taamaakkaluarterli 2014-imisut annertussutit amerlaqataannik pissarsisoqarpoq.⁴

Tabel 15: Rusland-imut Kalaallit Nunaata eqqaani 2015-imi pisassiissutit (tonsit).

Suuneri	Isumaqatigiissut naapertorlugu Kalaallit Nunaannut pisassiissutit
Saarullit	5.100
Kullerit	500
Raajat	500
Saniatigut pisarisuukkat	10 %

7:5. Islandi

Kalaallit Nunaat aamma Island namminneq imartaminni ammassanik aamma Irmingerhavet-imi suluppaakkanik aalisarsinnaatitaapput. Taamatut pisassiissutit pissarsisinnaaneq aqunneqarpoq 8. juli 2013-miit Islandip aamma Kalaallit Nunaata aalisarnermut imartaminni taartigiillutik aalisarneq pillugu Isumaqatigiissutaannit. Isumaqatigiissutikkut namminerisamik imartami nammineq pisassiissutigisanit arlalitsigut killilerlugit aalisarsinnaasoqarpoq. Kalaallit angallataannut tunngatillugit pisassiissutit pissarsisinnaatitaaneq pingaartumik ukiuunerani Islandip imartaani ammassaniarnermut atorneqartarpoq.

7: 6 Nunat marluk aamma nunat arlallit suleqatigiinnerat

Atlantikut avannaani aalisarneq pillugu suleqatigisanit EU-mit, Norgemit, Savalimmiunit, Canadamit Islandimillu nunat marluk akornanni suleqateqarneq Kalaallit Nunaata nalinginnaasumik naammagisimaarpaa.

Aamma nunarsuup immikkoortuani aalisarnermik aqutsinermi suleqatigiiffinnik NAFO-mik, NEAFC-imik NASCO-millu Atlantikut avannaani nunat tamalaat imartaanni aalisarnermik killilersuiffiusunik suleqatigiinnermut tamanna aamma atuuppoq.

2015-imi nunat marluk aamma nunarsuup immikkoortuani ataatsimiinnerit saniatigut arlalinnik naalagaaffinnik sineriallit ataatsimiippat Irmingerhavet-imi aamma Norskehavet-imi suluppaakkat pillugit kiisalu Tunumi, Island-imi Savalimmiunilu qalerallit pillugit.

Tamakku saniatigut Kalaallit Nunaat naalagaaffiit sineriallit ataatsimiinnerini alapernaarsuisutut peqataavoq avaleraasartuut, ammassussuit saarullernallu pillugit.

Ilanngullugu EU-mit nutaamik Aalisarneq pillugu Ilanngussamat 2016-2020-mut isumaqatiginniarnerit 2015-ip upernaavani naammassineqarput.

⁴ Isumaqatigiissummut ilanngussaq 2015 Illuatungerilluni aalisarnikkut attaveqatigiinnissaq pillugu Kalaallit Nunaata Naalakkersuisa Russillu Naalagaaffianni naalakkersuisut akornanni isumaqatigiissut 7. marts 1992-imeersoq.

Bilag 1: Havgående fiskeri, kvoter for 2015

	Kol. 1	Kol. 2	Kol. 3	Kol. 4	Kol. 5	Kol. 6	Kol. 7
	Kvoter i alt (tons)	Kvoter fordelt på lande		Færøerne	Island	Norge	Rusland
		Grønland	EU				
Vestgrønland							
1) Rejer	73.000	39.365	2.000	-	-	-	-
2) Hellefisk SV	7.000	2.375	1.925	-	-	1.475	1.225
3) Hellefisk NV	8.000	7.350	-	100	-	-	550
4) Krabber	125	-	125	-	-	-	-
5) Skolæst	1.000	850	150	-	-	-	-
Polartorsk	5.000	5.000	-	-	-	-	-
Lodde	3.000	3.000	-	-	-	-	-
Istorsk	2.000	2.000	-	-	-	-	-
Rødfisk	1.000	1.000	-	-	-	-	-
6) Helleflynder	1.000	800	125	-	-	75	-
7) Havkat Stribet	1.000	1.000	-	-	-	-	-
8) Havkat Plettet	1.025	1.025	-	-	-	-	-
Makrel	15.000	15.000	-	-	-	-	-
Bifangstkvote	-	-	-	-	-	-	-
Østgrønland							
9) Rejer	6.100	600	1.650	1.300	-	2.550	-
10) Hellefisk	9.468	3.803	3.880	110	-	1.075	600
Skolæst	1.000	850	150	-	-	-	-
11) Rødfisk bund Omr. 304 N66	3.500	3.500	-	-	-	-	-
12) Rødfisk bund Omr. 305 S66	8.500	5.200	1.150	50	-	800	500
13) Rødfisk, pel.Omr. 302/5	2.200	-	1.350	50	-	800	-
14) Helleflynder	2.000	1.640	125	-	-	235	-
Havkat Stribet	1.000	1.000	-	-	-	-	-
Havkat Plettet	1.000	1.000	-	-	-	-	-
15) Lodde	580.000	63.800	10.110	-	-	-	-
Blåhvilling	10.000	10.000	-	-	-	-	-
Sild	20.000	20.000	-	-	-	-	-
Makrel	85.000	85.000	-	-	-	-	-
Guldlaks	10.000	10.000	-	-	-	-	-
Bifangstkvote	-	-	-	-	-	-	-
Vest- & Østgrønland							
16) Torsk	18.000	14.445	2.000	355	-	1.200	-
17) Bifangstkvote	150	-	-	-	-	150	max 10%
Norge							
Torsk	3.500	3.500	-	-	-	-	-
Kuller	900	900	-	-	-	-	-
Sej N	700	700	-	-	-	-	-
18) Bifangstkvote N	260	260	-	-	-	-	-
Sild	-	-	-	-	-	-	-
Rusland							
Torsk	5.100	5.100	-	-	-	-	-
Kuller	500	500	-	-	-	-	-
Rejer	500	500	-	-	-	-	-
Bifangst	max 10%	max 10%	-	-	-	-	-
Færøerne							
19) Sild	2.100	2.100	-	-	-	-	-
International							
20) Blåhvilling	-	-	-	-	-	-	-
Internationalt NEAFC: 6.822 tons heraf kan 5.500 tons fiskeris i færøsk zone							
21) Rejer	-	-	-	-	-	-	-
NAFO-område 3M: Lukket							
NAFO-område 3L: Lukket							
Svalbard: 450 fiskedage							
22) Rødfisk pelagisk (NEAFC) på 9.500 tons							

Allakkiat: 2015-imi Avataasiorluni aalisarnermut.

- 1 Kitaani tamakkiisumik avataasiorluni pisassiissutit 73.000 tonsinut aalajangiunneqarput, taakkuninngalu Canada-mut 1.939 tonsitut pisassiissutit immikkoortinneqarlutik, kiisalu EU-mut 2.000 tonsinik pisassiissutit.
- 2 Kalaallit Nunaannit pisassiissutit 900 tonsit Norgemut kiisalu 1.225 tonsit Ruslandimut tunniunneqarput
- 3 Kalaallit Nunaannit pisassiissutit 100 tonsit Savalimmiunut kiisalu 550 tonsit Ruslandimut tunniunneqarput. Pisassiissutinut 1.500 tonsit ilaapput pinngitsooratik tamarmik tulaanneqartussaasut.
- 4 125 tonsit EU-mut tunniunneqarput.
- 5 150 tonsit EU-mut tunniunneqarput.
- 6 Kitaani pisassiissutit 200 tonsit Kalaallit Nunaata EU-mut tunniuppai, EU-p taakkunangga pisassiissutit 75 tonsit Norgemut pisassanngorteqqippai.
- 7 Pisassiissutit agguarneqarsimapput Kitaani Qeeqqanut Milalinnut aamma Nannikaanut.
- 8 Pisassiissutit agguarneqarsimapput Tunumi Qeeqqanut Milalinnut aamma Nannikaanut.
- 9 Pisassiissutit 5.500 tonsiusut Kalaallit Nunaata EU-mut tunniuppai, EU-p taakkunangga 2.550 tonsit Norgemut kiisalu raajartassat 1300 tonsit Savalimmiunut pisassanngorteqqippai.
- 10 Islandimut isumaqatigiissut malillugu pisassiissutinut 25.180-iusunit nunatta 2015-imi 9.468 tonsit pisassarai. Kalaallit Nunaata EU-mut 4.565 tonsit ingerlateqqissimavai, Norge-mut 500 tonsit aamma 600 tonsit Ruslandimut. EU-p Norge-mut isumaqatigiissutigisimavaa qaleralinnik pisassiissutit 575 tonsit nuunneqassasut, kiisalu qaleralinnik pisassiissutit 110 tonsit Savalimmiunut.
- 11 Pisassiissutit Tunumi 66 °-ip avannaata tungaani aalisarneqassapput, saniatigut saarulliit 20%-it angullugit pisarisuuisinnaanermut akuersissuteqarluni.
- 12 Tunumi suluppaakkat ikerinnarsiortut 2.000 tonsit Kalaallit Nunaata EU-mut ingerlateqqippai, 800 tonsit Norgemut kiisalu 500 tonsit Ruslandimut tunniullugit. EU-p taakkunangga 800 tonsit Norgemut aamma suluppaakkat ikerinnarsiortut 50 tonsit Savalimmiunut ingerlateqqissimavai.
- 13 Islandip, Savalimmiut Kalaallillu Nunaata aalisarneq pillugu isumaqatigiissutaat malillugu Reb-Ikerinnaasiortut pillugit pisassiissutit agguarneqarput, taakkunangga nunatta pisassai 2.200 tonsiusut EU-mut tunniunneqarput, EU-p taakkunangga Tunumi suluppaakkat ikerinnarsiortut pillugit pisassiissutit 800 tonsit Norgemut aamma 50 tonsit Savalimmiunut ingerlateqqissimavai. NEAFC-mi suluppaakkat pillugit isumaqatigiissut naapertorlugu 5 %-it ukiumit ukiup tullianut nuunneqarsinnaapput.
- 14 Tunumi nataarnartassat 160 tonsit Norgemut kiisalu 200 tonsit EU-mut Kalaallit Nunatta tunniuppai, EU-p taakkunangga 75 tonsit Norgemut pisassiissutigai.
- 15 Ammassat pillugit TAC-iugallartoq ukiumut pisassiiffiusumut 20. juuni – ukiup tulliani 30. apriliimut junimi aalajangerneqartarpoq. (Tunumi ammassat maajimi-juunimilu eqqissisimatinneqartarput). TAC inaarutaasoq aalisarnerup naalernerani aalajangersarneqartarpoq. 2013/2014-imut pisassiissutit 160.000 tonsinut aalajangiunneqarput. 2014/2015-mut aalisarnermut pisassiissutit 580.000 tonsiupput. 2013/2014-imut pisassiissutinut Kalaallit Nunaat 18.085 tonsinik pissarsivoq. 2014/2015-imi aalisarnermut pisassiissutinut EU 34.650 tonsinik neqeroorfigineqarpoq, EU-lli aalisariutaasa pisassatik tamakkerlugit aalisarsinnaasimannngilaat. Taamaammatt sinneruttut 24.540 tonsiusut kalaallit aalisariutaasa akornanni agguanneqarput. Taamaalilluni kalaallit pisassaat tamakkerlutik 63.800 tonsiulerlutik.
- 16 Aallaqqaammut pisassiissutigineqarput 10.000 tonsiupput, taakkulu aqutsinissamut pilersaarummi maleruaqqusat naapertorlugit 8.000 tonsinik qaffanneqarput. Kalaallit Nunaata 2.000 tonsit EU-mut, 1.200 tonsit Norgemut kiisalu 355 tonsit Savalimmiunut ingerlateqqippai. Aammattaaq Tunumi saarullinnik, brosmenik, qeeqqanillu misileraalluni

aalisarnissamut savalimmiormiut kilisalluni/imaluunniit ningittagarsorluni angallataat amerlanerpaamik pingasut Kalaallit Nunaata akuerisimavai. Misileraalluni aalisarnermi tassani nataarnanik qalerallinnillu saniatigut pisat tamakkiisut katillutik 275 tonsinik annertunerpaaffeqassapput. Saarullinnik pisat tamakkiisut 355 tonsit sinnissanngilaat. Ukioq pisassiiviusoq 1. juni 2015-imit 31. marts 2016-imut ingerlavoq. Kalaallit suluppaakkanik, brosmenik, blålangenik lange-nillu aalisarnermi pisassaat, pisarisuukkat ilanngullugit 2.000 tonsiupput.

- 17 150 tonsit pisarisuugassatut Kalaallit Nunaata Norgemut ingerlateqqissimavai.
- 18 62°N.-ip avannaata tungaani norskit imartaanniittumi aalisakkat allat suluppaakkat qalerallillu saniatigut pisarisoorneqarsinnaasut maannamut 260 tonsiupput.
- 19 Pisassiissutit aalisarneqarsinnaapput Norskit imartaanni, nunat tamalaat imartaanni, kiisalu Tunup eqqaani Jan Mayen-imi aamma savalimmiormiut aalisarnikkut oqartussaaffigisaanni.
- 20 Pisassiissutit 6.822 tonsiusut norskit, nunat tamalaat Jan Mayenillu imartaanni aalisarneqarsinnaapput kiisalu 5.500 tonsit savalimmiut aalisarnikkut oqartussaaffigisaanni aalisarneqarsinnaallutik.
- 21 Sumiiffimmi Svalbard-ip eqqaani aalisarneq ulluni aalisarfiusuni 450-ini ingerlanneqarsinnaavoq. Sumiiffiit 3M aamma 3L, (Flemich Cap) ukiumut pisassiiviusumut 2015-imut matuneqarsimapput.
- 22 NEAFC-imi REB-Ikerinnaasiortunik pisassiissutit tamarmiusut 9.500 tonsiupput.

**Ilanngussaq 2: Sinerissamut qanittumi aalisarneq,
pisassiissutit 2015**

Kol. 1
Pisassiissutit Katillugit (tons)

Kalaallit Nunaata Kitaa

Raajat	29.696
--------	--------

Saattuat Upernavik	200
Saattuat Qeqertarsuup tunua-Uummannaq	600
Saattuat Sisimiut	500
Saattuat Manitsoq-Kangaamiut	100
Saattuat Nuuk-Paamiut	1.200
Saattuat Narsaq-Qaqortoq	200
Saattuat katillugit	2.800

Uiluiit Nuuk	720
²³⁾ Uiluiit Aqajarua	-
²⁴⁾ Uiluiit Attu	400
Uiluiit Kujataa - Saqqaq	400
Uiluiit Avannaa - Kangaarsuk	700
Uiluiit Nassuttoog	300
Uiluiit katillugit	2.520

Qalerallit Upernavik	9.500
Qalerallit Uummannaq	9.500
Qalerallit Qeqertarsuup tunua	9.200
Qalerallit Kalaallit Nunaata sinnera	-
Qalerallit katillugit	28.200

Nipisat NAFO 1A	63
Nipisat NAFO 1B	369
Nipisat NAFO 1C	267
Nipisat NAFO 1D	522
Nipisat NAFO 1E	165
Nipisat NAFO 1F	114
²⁵⁾ style="text-align: right;">Nipisat katillugit	1.500

Tunu-kitaa

Saarulliit	27.500
------------	--------

Allakkiat: 2015-imi sinerissamut qanittumi aalisarnemut

23. Aalisarfigeqqusaanngitsoq.

24. Aalisarfigeqqusaanngitsup avataani taamaallaat aalisartoqarsinnaavoq

25. Pisassiissutitut suaat aallaaviupput – aalisagaanngitsoq

* Pisassiissutit 250 tonsinik qaffanneqarput taakkulu ulloq 1.novembari aalisarneqarsinnaalissapput.